

書名 東盛和債案報告十六卷
 撰者 清營口銀行輯
 卷 卷十一
 內容分類 史·政書·雜錄
 索書號 大木·法類·獄訟·案牘·8
 編號 B4014800

卷十一



[彩色首頁1](#)
[彩色首頁2](#)

東洋文化研究所漢籍目錄 編號: B4014800

東洋文化研究所漢籍目錄所藏漢籍善本文影像資料庫 索書號: 大木·法類·獄訟·案牘·8

漢籍善本文影像資料庫文本 東盛和債案報告十六卷

版權所有: 東京大學 東洋文化研究所

[使用上的注意事項](#)

度支部加劄委辦救濟營口市面事宜劄文

度支部爲劄飭事北檔房案呈據總銀行正監督張允言呈稱營口東盛和等字號
 倒閉市面震動准東三省總督電商撥款救濟商定由部行籌撥銀兩帶同總行事
 務處委員候選道羅飴等前往察看情形救濟並擬派委員羅飴會同該分行總辦
 辦理救濟一切事宜等因前來查救濟營口市面事關重要應由本部加劄派委該
 道羅飴會同該分行總辦王伊妥爲辦理至東盛和倒閉虧欠該分行銀兩及放出
 各款均應責成該行總辦王伊設法如數收回並令該員羅飴會同籌畫務期於本
 行及營口市兩有裨益劄到即便遵照前往勿負委任切切特劄

右劄總行事務處委員候選道羅飴准此

光緒三十三年十月 日

覆商務總會函

致關道周觀察函

周觀察來函

覆周觀察函

關道周觀察移商務總會文

關道周觀察呈東省督撫呈文

周觀察來函



致關道沈觀察函

敬肅者昨聞商會已將銅元發售雖為數不多而於做行之銅元銷路頗受影響做行尚有未曾售出銅元三千餘箱祇得陸續分運錦州分號銷售以免壅滯請即電知錦州府尊接洽是荷再奉省運來銅元尚有若干未經商會售出者可否懇請飭商會畧遲十餘日再行發售如尊處恐該項銅元不能脫手准由做行將來備款承受亦可以此則為一舉兩得做行實為預籌營商借款起見並非與商人爭利也專此奉懇敬請助安鵠候福音



沈觀察覆函

敬覆者頃接來函具悉種切查奉省撥來銅元合銀二十五萬兩囤積日久理宜設法行用前經議定價值以銅元一百二十五枚易銀一元所有虧折之成本即由各債戶認息彌補業已面飭趕緊消售據商會稟知照辦現在各商分認若干尙未據列單稟報既承允爲備款承受自屬彼此有益容與商會總協理商定除分認之外尙有盈餘若干再行奉聞至遲發一節各商未必肯從但伊等擬運山東黃縣上海各處銷售其銷本省者尙非多數似與尊處無大妨礙專覆卽請升安

Blank columns for text on the right page.



沈觀察來函

昨銅元之事商會因有小利可牟爭先恐後一律全承因念此本維持商業之舉不忍過斬已准如所請矣承尊示屬為緩發謹遵照俟三數日後再行拉發以免於行市有礙弟為道勝事及北洋款日內赴津事須及熱為之餘望公安為部署此候起居諸惟心照



致海防廳朱太尊函

敬肅者昨承電諭敬聆一是所有奉省銅元照道憲所訂之價公款須虧至三萬金有奇如果此項虧折之款公家不令各債戶公攤尙屬可行如須令債戶攤認似欠公允若照敝行現售之價似不至虧折如此之多誠如尊諭所謂相差太遠不甚相宜所以敝行前曾有信與道憲如慮此項銅元不能銷售敝行可以備價承受以免公款喫虧債戶受累較爲妥協諸乞卓裁維持是幸專肅布達敬請勛安



朱太尊覆函

大示敬悉備價承受一層足見盡籌鼎力欽佩莫名應如何挽救之處似宜俟道憲節旋時再行酌議總之我公見解卓越尋常宜乎爲商界所懽迎頌聲載道也頃又電商李序園訂於明日妥議匆匆未及作楷乞恕餘俟續陳肅覆敬請晚安



朱太尊來函

敬啟者日前所談銅元一節每元作一百十七枚半即照尊議辦理何日提用希先示知以便知照官銀號全數撥兌是幸今日拍賣德芳紙煙其餘零星貨件均當次第出脫化成現款只要道勝事完不難迎刃而解矣肅請近安



致營口關道海防廳商會函

敬肅者案查奉省去年允協濟營口市面銀二十五萬兩因乏現銀裝運銅元來營曾由尊處稟請督撫憲撥交敝行出售作為奉省存放敝行長期存款定期十年由敝行歸還奉省即以此項利息抵還敝行營商借款業經督撫憲本部堂憲總行監督允准訂明合同在案敝行業將該項銅元會商前道憲沈按照市價發行換見營平現寶銀二十萬零五千六百十四兩四錢六分核與二十五萬兩之數尙短現寶銀四萬四千三百八十五兩五錢四分應乞稟請督撫憲度支司憲如數補足二十五萬兩之數以符前案萬一奉省庫款支絀如無現銀仍請以銅元按照市價核成銀數四萬四千三百八十五兩五錢四分發交敝行亦無不可此款係奉天督撫憲恩准協濟營口市面官款債案合同既已訂明二十五萬兩敝行似未便減數少收且查敝總行借與奉省代還札薩克圖郡王俄債款四十萬兩奉省業與敝總行訂立約據日後即以此次存放營行之二十五萬兩湊抵在四十萬兩之內一款已作

兩用此刻做行若不收足二十五萬兩之數日後交還必須賠補足數喫虧太鉅況做行於東號債案因為顧全公益保護營口市面為奉省効力不少暗中喫虧亦屬不少若再令做行喫此鉅虧想亦奉省督撫憲所不忍而亦為貴道廳總會所不願者也專肅奉懇敬頌助安



致奉天度支司張司使電

奉天度支司張司使鈞鑒洪去冬督撫憲協濟營市現銀二十五萬兩嗣蒙以銅元運營前由關道將銅元照市作價計現寶銀二十萬零五千六百十四兩四錢六分撥交做銀行收存核與營商債款合同所載二十五萬兩之數尚不敷寶銀四萬四千三百八十五兩五錢四分現債案將次結清請即照數補給發交營口關道以便就近具領以符原案而資結束實為公便飭



張司使來函

敬覆者昨接來電以去冬協濟營市銀二十五萬兩所撥銅元由關道照市作價交
行核收現時結算計不敷寶銀四萬四千三百八十餘兩請照數補給等因當經簽
請帥示奉諭以去冬協撥營口銅元係按當時市價合銀二十五萬兩運交關道核
收撥用旋經關道將收到緣由聲覆並未提及不敷折減字樣且當初營口市面緊
迫前發銅元接濟自必一到即行通用斷不致於虧折今時逾一年該行忽稱不敷
請補未便認發等因既奉帥諭不令補發本司自當遵辦用特佈覆順請籌安

內一款已作兩用此刻敝行若不收足二十五萬兩之數日後交還必須賠補足數吃虧太鉅況敝行於東號債案因爲顧全公益保護營口市面爲奉省効力不少暗中吃虧亦屬不少若再令敝行吃此鉅虧想亦奉省督撫憲所不忍而亦爲貴總會所不願者也等情聆悉隨即會集磋商據衆債戶僉謂去年蒙上憲恩恤允協濟營市以奉省官款二十五萬兩存戶行十年後無利交還以資補助原爲奉款銅元虧折故資十年之利以爲補助若另爲籌補在債戶以外各商固屬礙難公認其在債戶以內各商被累過鉅苦不堪言實屬難籌補貼除移請關道憲查核商艱呈請督撫憲俯念營商瘡痍過劇恩准免令籌補外擬合函請貴總辦體察營口市面商艱呈請督撫憲格外體恤恩准免補此項銅元賠款以蘇商困而示始終維持俾露實惠爲此函請貴總辦查照施行是爲至禱肅此敬請鈞安

附道憲移文稿一件

覆商務總會函

敬覆者前因奉省協濟款二十五萬兩敝行僅收到銅元變價現銀二十萬零五千六百十四兩四錢六分尙不敷現銀四萬四千三百八十五兩五錢四分理應如數請奉省補給以符二十五萬兩之數函請貴總會設法籌補以符原議在案茲奉函示云衆債戶僉謂去年蒙上憲恩恤允協濟營市以奉省官款二十萬兩存戶行十年後無利交還以資補助原爲奉款銅元虧折故資十年之利以爲補助云云敝行聞命之下殊爲詫異查前兩次所議債案合同辦法衆債戶共見共聞原議以二十五萬存行十年之利補助借款抵項之不足並非言抵奉省銅元協款之不足案定未久言猶在耳衆債戶似未便即指鹿爲馬籠統牽強反使敝行有失感情尙乞貴總會傳諭衆債戶萬勿誤會各重信用凡與敝行交接之事彼此推誠相與相見以心萬勿以機詐相嘗試則幸甚矣肅敬頌台安

附繳移稿一件



周觀察來函

敬啟者迭奉大函並准營口商務總會來移以東盛和案內奉督撫憲協濟營口市面當十銅元三千八百七十五萬枚作營平銀二十五萬兩一款經貴行將銅元按市價出售實售見營平現寶二十萬五千六百十四兩四錢六分核與債案合同訂明歸還二十五萬兩之數實短銀四萬四千三百八十五兩五錢四分請轉呈督撫憲補撥足數以符原案而免賠累等因敝道查奉省財政支絀非常斷難再籌彌補商會債款亦無可設法貴行於東盛和債案受虧已多實不能再受鉅虧惟有寬展年限作生息補本之計尙可通融完結當經開摺面稟督憲飭司籌議在案昨奉督憲批開據稟協濟營市二十五萬之款爲數短絀查前向總行訂借之四十萬並未將此款作抵應卽仍存營行將息補本於十年後分三年提還仰與營行商明辦理此批等因奉此除移覆營口商務總會知照外相應函達貴行請煩查照應扣至何年作爲十年期滿應分三年以每年何月爲期並三年如何分定還數希卽酌定示

覆以便轉呈督撫憲批示立案備布祇頌籌安



復周觀察函

敬覆者本日奉到台函內開迭奉大函並准營口商務總會來移以東盛和案內奉督撫憲協濟營口市面當十銅元三千八百七十五萬枚作營平銀二十五萬兩一款經貴行將銅元按市價出售實售見營平現寶銀二十萬五千六百十四兩四錢六分核與債案合同訂明歸還二十五萬兩之數實短銀四萬四千三百八十五兩五錢四分請轉呈督撫憲補撥足數以符原案而免賠累等因敝道查奉省財政支絀非常斷難再籌彌補商會債款亦無可設法貴行於東盛和債案受虧已多實不能再受鉅虧惟有寬展年限作生息補本之計尙可通融完結當經開摺面稟督憲飭司籌議在案昨奉督憲批開據稟協濟營市二十五萬之款爲數短絀查前向總行訂借之四十萬並未將此款作抵應卽仍存營行將息補本於十年後分三年提還仰與營行商明辦理此批等因奉此除移覆營口商務總會知照外相應函達貴行請煩查照應扣至何年作爲十年期滿應分三年以每年何月爲期並三年如何

分定還數希即酌定示覆以便轉呈督撫憲批示立案等因准此敝行查奉省督撫憲協濟營市銅元一款已於去年年底掃數售罄實售見營平現寶銀二十萬五千六百十四兩四錢六分核與債案原訂合同歸還二十五萬兩之數實短銀四萬四千三百八十五兩五錢四分現既蒙貴道呈請督撫憲批准將該款仍存營行將息補本於十年後分三年提還仰見督撫憲俯順輿情於無可設法之中寓體恤商艱之意欽佩之餘莫名感戴茲已將銅元存款照章出立存單訂定期限由宣統元年正月起期存至宣統十年年底作爲十年期滿不起利息以符債案款合同十年期限再由宣統十一年正月起期存至宣統十二年年底扣足三年由營行將息補本歸還銀二十五萬兩就近解繳貴道轉解度支司核收以清款目惟此項銅元款二十萬五千六百十四兩四錢六分前後存放營行十三年到期由營行繳還奉省銀二十五萬兩即係以息補本此外營行並不再算息銀除詳請總行立案外相應出具存單一紙呈請貴道轉詳督撫憲度支司立案以重公款而符前案實爲公便端

此奉覆敬頌勛安

附奉省銅元價銀存單

奉天度支司協濟營口市面銅元款營平寶銀二十萬零五千六百十四兩四錢六分宣統元年正月初一日起期以十年爲期至宣統十年十二月十三日無利交還

此項銅元價銀准關道憲周函奉督撫憲批示立案俟存至宣統十年十二月三十日滿期後再接存三年至宣統十二年十二月三十日交還營平寶銀二十五萬兩將息補本不再算息此批

關道周觀察移商務總會文

爲移會事案准貴總會移開准大清銀行函開案查奉省去年允協濟營口市面銀二十五萬兩因乏現銀裝運銅元來營曾由尊處稟請督撫憲撥交敝行出售作爲奉省存放敝行長期存款定期十年由敝行歸還奉省卽以此項利息抵還敝行營商借款業經督撫憲本部堂憲總行監督允准訂明合同在案敝行業將該項銅元會商前道憲沈按照市價發行換見營平現寶銀二十萬零五千六百十四兩四錢六分核與二十五萬兩之數尙短現寶銀四萬四千三百八十五兩五錢四分應乞稟請督撫憲度支司憲如數補足二十五萬兩之數以符前案萬一奉省庫款支絀如無現銀仍請以銅元按照市價核成銀數四萬四千三百八十五兩五錢四分發交敝行亦無不可緣此款係奉天督撫憲恩准協濟營口市面官款債案合同旣已訂明二十五萬兩敝行似未便減數少收且查敝總行借與奉省代還札薩克圖郡王俄債款四十萬兩奉省業與敝總行訂立約據日後卽以此次存放營行之二十

東盛和債案報告

五萬兩湊抵在四十萬兩之內一款已作兩用此刻敝行若不收足二十五萬兩之數日後交還必須賠補足數吃虧太鉅況敝行於東號債案因爲顧全公益保護營口市面爲東省効力不少暗中吃虧亦屬不少若再令敝行吃此鉅虧想亦奉省督撫憲所不忍而亦爲貴總會所不願者也等因准此隨即集會磋商衆債戶僉謂去年蒙上憲恩恤允協濟營市以奉省官款二十五萬兩存戶行十年後無利交還以資補助等因今該款戶行僅收到銅元款二十萬零五千六百十四兩四錢六分核與二十五萬兩載明合同之數尙短現寶銀四萬四千三百八十五兩五錢四分理應懇請貴道憲詳請督撫憲始終成全將此不足之銀如數補給發交該銀行收存以符原案而昭信用實爲公便爲此合移請煩查照並准大清銀行函同前因准此本道查奉省財政支絀非常斷難再籌彌補貴會債款亦無可設法大清行於東盛和債案受虧已多實不能再受鉅虧惟有寬展年限作生息補本之計尙可通融完結當經開具清摺面稟督憲飭司籌議在案茲奉督憲批開據稟協濟營市二十

五萬之款爲數短絀查前向總行訂借之四十萬並未將此款作抵應卽仍存營行將息補本於十年後分三年提還仰與營行商明辦理此批等因奉此除函達大清行商定辦法呈明立案俟奉批後再行移知備案外相應移會貴總會請煩查照施行須至移者



關道周觀察呈東省督撫呈文

爲呈請事竊照營口東盛和倒閉案內蒙憲台協濟市面銀二十五萬兩一款訂立債案合同十年後無利歸還因銅元易銀原本短絀迭經營口大清銀行函轉呈設法彌補當經職道將彌補辦法開具清摺呈蒙憲台批示據稟協濟營市二十五萬之款爲數短絀查前向總行訂借之四十萬並未將此款作抵應卽仍存營行將息補本於十年後分三年提還仰與營行商明辦理此批等因奉此遵卽函致營口大清銀行商辦去後茲准函開敝行查奉省督撫憲協濟營市銅元一款已於去年年底掃數售罄實售見營平現寶銀二十萬五千六百十四兩四錢六分核與債案原訂合同歸還二十五萬兩之數實短銀四萬四千三百八十五兩五錢四分現既蒙貴道呈請督撫憲批准將該款仍存營行將息補本於十年後分三年提還仰見督撫憲俯順輿情於無可設法之中寓體恤商艱之意欽佩之餘莫名感戴茲已將銅元存款照章出立存單訂定期限由宣統元年正月起期至宣統十年年底作爲十

年期滿不起利息以符債案合同十年期限再由宣統十一年正月起期存至宣統十三年年底扣足三年由營行將息補本歸還銀二十五萬兩就近解繳貴道轉解度支司核收以清款目惟此項銅元款二十萬五千六百十四兩四錢六分前後存放營行十三年到期由營行繳還奉省銀二十五萬即係以息補本此外營行並不再算息銀除詳請總行立案外相應出具存單一紙呈請貴道轉詳督撫憲度支司立案以重公款而符前案實爲公便並准送存單一紙等因准此查來函所稱前項銅元於去年年底售罄應以本年正月起限扣至宣統十年年底作爲十年期滿尙無不合惟稱於宣統十三年年底歸還銀二十五萬兩核與憲批分三年提還辦法稍有未符正擬復商間准營行總辦羅道面稱此項銅元在憲台協濟之時本爲體恤商艱力持大局該行於此案吃虧實多既蒙憲台批定展限三年自應遵辦惟分還與併還在官家相去無多在該行獲益較大祇有仍請憲台格外體恤始終維持將前項存款准予展限三年於宣統十三年年底一批歸還銀二十五萬兩以免營

行再喫鉅虧等語合無仰懇憲恩准如所請送呈存單一紙請憲台飭發度支司存案以便到期提款所有商辦緣由理合呈請憲台查核批示祇遵爲此備由具呈伏乞照驗施行須至呈者

計呈送存單一紙





周觀察來函

敬覆者案查前准貴行函開以奉省督撫憲協濟營市銅元作銀二十五萬兩之款
 仍存營行訂期於宣統十三年年底一批歸還並送存單一紙等因當經據情呈請
 督撫憲批示立案並送存單請發度支司存案在案茲於宣統元年二月十七日奉
 督撫憲批開准如所請候將存單一併飭發度支司檢存仰即知照繳等因奉此除
 移知營口商務總會外相應抄錄呈稿函復貴行請煩查照端此祇頌台安
 計抄呈稿一紙



Handwritten text or seal at the top center of the page.

